

► *Belen, Pabien!*

“Ora amor trece hende mas serca otro y mustra beyeza y nificacion di creacion harmonia ta crea y hende ta encontra pas y amistad”

-Phil Bosmans-

ORANJESTAD - Cu e palabranan aki sra. Belen Kock-Marchena a haci su invitacion na e publico cu a responde masalmente Diaranson anochi den Cas di Cultura.

Tur presente tabata testigo con famia, amigo y conocirnan

huntu cu Belen a duna e palabranan di Phil Bosmans un contenido real cu te hasta e tabata contagioso.

Durante henter anochi por a sinti e vibracion den aire di un Cas di Cultura colma cu un publico cu ta yena cualkier artista cu un gran satisfaccion.

Loke e publico a haya di Belen y su elenco tabata di un nivel nunca bisto na momento di introduccion y bautismo di un obra literario.

Publico por a experencia cu den bena di bida, cualkier situacion, sea positivo of negativo, por haya Alimento pa

Alma, pa nos sigi padilanti.

Ta na nos awor pa sigi sostene tur persona cu ta enrikese nos Cultura y ta furni nos Alma cu Alimento.

Den number di Instituto di

Cultura director Sr. Frank Croes ta felisita sra. Belen Kock-Marchena cu su exito. Un danki special ta bai na famia y colaboradornan cu a percura pa un anochi inolvidabel.